

潛  
研  
堂  
詩  
集

潛研堂詩集卷八

嘉定錢大昕

奉 命典試浙江佗

頻年奉使單車出手種齊松與楚江三度承 恩今較  
渥此邦文獻甲宅邦

鍾陵制義穆堂文浙榜從前說兩君眼力縱輸前輩好

得人猶望張吾軍

順治甲午熊公伯龍康熙庚子  
李公紱主浙江試最稱得人

聲名標榜久相忘不愛腴田陸氏莊但願它時到台蕩  
有人爲我具春糧

出廣寧門

又作皇華使輕裘出郭門雨微前路潤雲淨遠峯尊檜  
古榮眞忝程材鑿恐昏臣心元侶水擬與漸江論

趙北口

漣漪百頃鏡光涵十里長隄路舊語淺艸平沙通薊北  
板橋流水侶江南兩行官柳排濃綠幾隻漁舟點蔚藍  
浩蕩白鷗應笑客浮家泛宅只空譚

毛萇里

申培轅固各專門誰侶毛公詒訓尊北海佗箋傳古學  
西河製序啟眞源四詩未墜斯人出千載云遙故里存  
太息後賢矜鑿空欲將部婁廢崑崙

董子故里

蒼莽長河古木疏  
流傳董子下帷居  
天人不媿賢良詔  
道說羞稱功利書  
曲學公孫方貴幸  
助邊卜式蚤遷除  
空譚災異真何用  
絕倒從游呂步舒

周亞夫祠

棘門霸上兩營分  
細柳堂堂獨不羣  
大慰君王拊髀意  
竟收頗牧佐將軍

重厚堪爲少主臣  
顧成遺命記來真  
如何吳楚功成後  
撤箸翻憎鞅鞅人

途中偶作

久晴厭塵揚久雨苦泥滑正使不晴亦不雨曉猶畏風  
午病暈人生大患求無厭乃以我相太咎造物一身所  
欲尙難副天公焉得人人悅吾儕乘傳四牡駢日有廩  
給廉度支居停得所人忘疲客行如此樂復樂偶值暑  
雨意不怡何況悠悠行路者敝車羸馬愁朝飢徵逐名  
利將奚爲

卽事

畿南千里列輕郵纔過雄州又冀州半日晴兼半日雨  
五分夏襟五分秋綠楊樹底鳴蟬語紅蓼邨中浴鷺浮  
指點卅年來往地飛鴻指爪幾曾留

晏城

地入齊河縣城仍晏子封禳星詞正大枕股義從容節  
儉砭時失流連究主訥但存足欲戒擗殿盍何庸

將至開山鋪

青山正如黃叔度旬日不逢鄙吝生忽見馬頭晴翠湧  
計程知已到長清

長清山行

四圍屏障侶天成人  
在青山缺處行雨過  
已添谿水響秋涼  
偏愛嶺雲生朴淳  
摩詰田家句平遠  
營邱畫裏情好景  
當前愁易失停輿  
卽事一回賡

登岱

巖巖氣象傲王公錫號天齊配昊穹五嶽降神尊第一  
長男出震位居東登臨始覺乾坤大讚誦眞慚擬議窮  
梁父肅然分左右同時頰首丈人翁

歷盡嶮嶽十八盤攬身已在碧雲端煙光依約齊州小  
水氣微茫少海寒石壁尙畱唐帝隸玉符莫問宋家壇  
傲來峯名高峙空千丈俯睇聊同一簣看

水激沙崩石磴危振衣直上不言疲畏難長恐中途誤  
陟險全憑定力持目極吳門橫馬匹手摩秦樹認蚪枝  
壯觀天偕今年雨添得銀河百道垂

前月大雨磴道閉  
爲水所壞行至山

半尚有相阻者  
予堅執不可

半生虛慕列僊材日觀天門未到來此度初窺真面目  
新秋夏喜豁氛埃已離下界衣無垢漸近剛風樹不栽  
偃蹇羣峯休傲客新從岱頂賦詩回

程蘊山明府招飲白鶴泉上

晨游東岱上層巔歸路重尋白鶴泉山水夙饒狂士癖  
淹留爲有主人賢蒼茫摩絮雲初合微灑浮波月正懸  
醅酌今宵判盡興話朝南去又揮鞭

羊流店謁羊太傅祠

古祠瞻拜薦山肴野店西風石徑劫墮淚碑猶存峴首



浮江計已定吳郊輕裘偏愛文人服杯酒何嫌異國交  
不是君王能信任樂羊三篋訪書消

宿遷道中

近水田多下依岡徑半荒人貧愁旱潦地小束隄防老  
屋苦爲瓦終年麥作糧莫嫌淮北陋千里亦同鄉

雨中過永濟橋

垂虹一道枕清波漁戶拏篙挂綠簑載得滿船魚虎子  
秋風細雨六塘河

隄上

三伏汛初過新秋仍滿槽增隄沿歲例刈葦欺人勞驅

向林端過波逾屋頂高寢薪憂厝火迂闊獨吾曹

清江浦懷舊

壬申之夏渡清口固哉亭前賦折柳

是歲相國高文定公具舟送予北上

同舟者仁和周君天度陽湖莊君櫛及予三人固哉艸亭在河道總督公廨之西文定公所建

二千里

路送輕翮素心晨夕得二友周生媿雅才胸羅四庫無不有莊生倜儻士痛飲狂歌坎鼓缶三人齒序我最少

挹袂拍肩相左右只言莫樂新相知風裏浮萍那長守我今乘輅重渡河已成老翁髮未瞠莊生投劾周生歿聚散零落同逝波艸堂突兀猶如許艸堂主人今何處華屋山坵瞥睨殊粟主空聞祀袁浦十四年來如夢中

雲泥泡影總成空，惟餘九折黃河水。仍與清淮流向東。

漂母祠

一飯且知報寧忘，推食恩少年輕國士。老母識王孫，惠比千金重。名將百代存，娥姁亦巾幗。鐘室淚空吞。

顯淮陰釣臺

試問眞王貴，何如守釣磯。生慚噲等伍，那至結陳豨。鐘室謀何亟，平城計已窮。暮年思猛士，太息擲良弓。

董江都祠和冰持前輩韻二首

漢代徵賢良，天子臨軒策。晁董及公孫，舊史可尋繹。江都獨純粹，言必則古昔。六藝是表章，一使燭火息。嚙我

曲學徒枉尋屬直尺居然廁公卿坐受小吏白君看平  
津閣何如廣川宅休言宦不達幸免故人責

先儒專一經白頭守師承惟公業春秋天人理可憑人  
事或僭坐五行災異乘貴近勿優容天警見園陵眚李  
譚祿祥所見判淄澠讀書重有識毋任勦說仍膠西王  
雖倨禮賢尚足稱下馬拜遺祠百世願振興

同冰持前輩登金山次韻

平山佳麗說揚州爭侶江心翠黛浮車馬塵埃從不到  
忽疑天際結飛樓

蒼茫四顧全無路縹緲中流得此山身住風波卻安穩

始知方丈在人間

遠望蒼苔紫蓋形  
馭風頃刻到青冥  
只疑身是乘機客  
銀漢中央一點星

妙高臺簷俯羣山  
玉帶橋頭水一灣  
算道單椒形勢小  
聲名久已動江關

銜刀如廁也徒勞  
兵解由來數算逃  
世上豈無營葬地  
卻將遺蛻付風濤

禪房要下各排連  
曲徑穿來翠嶺巔  
試取中泠第一水  
要從波底得真泉

半日無風海氣晴  
山靈知我遠來情  
游僊眞挹浮邱袂

同到金鰲背上行

焦先舊隱若堪攀咫尺丹梯想像閒得隴何妨仍望蜀  
取之不禁是名山

游寄暢園

名園結構自然佳眞在青山綠水涯奇石介如廉士操  
清泉鏗爾古音諧濃陰半畝松杉在樂事三春花鳥皆  
萬歲亭前瞻 聖藻輞川別墅詎能儕

虎邱

巨石千人坐清秋雙屐停樹含新雨潤窗入遠峯青臺  
識高僧跡池藏古劍靈顯名多未餽手錄補圖經

左旁  
崖石

有淳祐辛亥四明程振父等題名右有淳祐癸卯長樂潘坊等題名德祐乙亥天台戴覺民等題名又石觀音殿壁間有宣和六年胡少汲等題名紹興八年向子謹題名自來修山志者皆未之載

### 山塘

宛轉山塘路絳華自管傳波光千里暎郭外萬家連樓閣煙中市笙歌月下船狂游思曩日彈指十餘年

### 游上方山

果然奇秀占三吳樓閣空明入畫圖半畝疏篁蟠徑曲百尋紺塔倚雲孤山容蘊藉眞名士波影清妍彼美姝空雨空晴空月夜石湖元是小西湖

### 石湖

激灩紅亭射曉霞波光百頃渺無涯居民種菱分湖面  
小艇叉魚踏浪花遠浦風煙通震澤上方鐘磬出楞伽  
田園樸事皆詩料曾是當年參政家

泛澹臺湖

解維鮎魚口落颿寶帶橋激波杳無際十里明青瑤輕  
颿出其閒快翦分生綃煙開虹亭樹風動淞江潮水禽  
去又來葭葦寒蕭蕭緬懷浮家客清標不可招臨淵起  
餘羨且聽榜人謠

入德清縣界有橋曰望僊喜其名與吾鄉同化  
詩紀之



故園門對小橋開，顧浦西偏一水涵。此地嘉名欣偶住，  
今宵鄉夢若相催。魚梁蟹斷分明見，桑葉菱絲次第栽。  
怪得征人屢回首，僂身已到家來。

初到杭州

生平但願識杭州，僂抵人間萬戶侯。五十日程欣始到，  
四千里路不空游。湖光滄茫遙連郭，山色清佳恰傍樓。  
只待秋深公事了，畫船載酒暫勾留。

試院戲題

終朝閉閣亦何爲，萬卷文書次第披。還怕粗心失佳士，  
闌中一月廢吟詩。

秋風片片落花飛射的雖懸入穀稀簾外未知達勒帛  
點頭猶自祝朱衣

壯游濟勝興空賒閉置眞如新婦車一道重門分內外  
吳山咫尺卽天涯

食筍

篔簹千畝菜人頤已過春山燒筍期  
筍喜糶梢秋正長  
倉單頓頓一斤貽

主司供給單每日糶筍  
二斤日有兩頓倉故云

填榜

丹沙竹箭眼前收  
袞袞諸生放出頭  
百炬燧來渾不夜  
文光直射斗牽牛

揣摩剽襲枉辛勤千手雷同欲亂真  
別白涵瀾心獨苦要令世有讀書人

青袍鵠立望如何得意常稀失意多  
畱取寸心公道在冬烘頭腦任人訶

鍼石相投有夙因飛花茵溷那能均  
宋家坦率休輕誦我亦當年落解人

泛湖

秋水清無滓天然鏡面平  
四圍山色髻鏡裏照分明  
出郭優離俗泛舟聊適情  
樓臺金碧色人在畫圖行

九日浙中當事招集小有天園登高卽席得句

依巖面水敞軒堂賓主東南翰墨場信有湖山稱絕勝  
不妨風雨作重陽是日笙歌入耳音非俗詩酒當筵興  
最狂佳節向來孤負了今朝高會願無忘

表忠觀

錦袍玉帶儼天人鐵券當年字未湮運至開門稱節度  
時平納土列功臣碑文淳古思和仲祠宇馨香續妙因  
忠孝千秋終會報卅傳枝葉尙紛綸

岳忠武墓

已奉班師詔空憐涅背文雕兒能告密竟撼岳家軍  
一紙到詔獄雙棺藁葬時五郎猶有子二聖竟無兒

公案莫須有沈冤何日伸東朝猶未返遺恨賈空人  
文臣動羨錢武臣多惱中原事可知含冤到獄市

浙闈蕙事蒙 恩給假省親恭紀

久列蘭臺校祕文每依北斗望南雲叨承 鳳詔衡多  
士曲體烏私荷 大君十日循陔申眷戀一庭舞采試  
繽紛老人倍覺精神爽聽話 天恩到夜分

程才濟北又湘南玉尺叨持已度三敢戀湖山尋勝槩  
庶憑文字契眞參人誇桃李新陰茂天與椿萱老境甘  
此日登堂拜家慶添將佳話入叢譚

故鄉風景尙依稀暫卸征衣著錦衣門外喜無熟客關

案頭猶是舊書圍家傳壽骨占應驗

臣祖贈奉政大夫  
王炯年九十二祖

母朱氏年  
八十二

世戡良箴誠勿違應得親朋相歎羨羸金終

讓一經韋

經句子舍重留連回首睽違十四年車服敢言稽古力  
箕裘恐負義方傳翁誇嬰鏢休扶杖母恤單寒爲著絲  
分付臨岐無別語 主恩高厚寸心鐫

過青駝寺遇雨

青駝寺北太匆匆古木寒煙四望同十月東風吹雨過  
蒙山全沒暮雲中

口占

潛研堂詩集

卷八

七

調調刁刁西風生蕭蕭撼撼落葉輕秋蟲唧唧復唧唧  
客子行行重行行

曉行

曉星欲落猶未落僕夫催我起趁站清泉橫道淺可涉  
老樹人立儼冠劍誰家牛鐸已先鳴櫟以鞭笞言多儂  
我語僕夫且緩行月黑沙漲防馬陷

望岱宗殘雪

雨霽已三日岱宗殘雪明斜拖吳觀練寒偏泰安城風  
勁裘知敝霜濃酒易傾匆匆乘傳過回首玉崢嶸

山行

沙回路轉歷巖巖窄處纔通劍一槭獨木橋敲暉代筏  
隻輪車小卻張驅蓋茅屋比旋蝸縮戴石山如覆釜賦  
日暮馬蹶行較疾識途應喜脫征銜

十月二十八日河閒道中遇雨

十月小雪候北方例無雨昨已入大雪頗訝氣蒸礎晨  
興日光澹亭午雲氣聚微雨從北來廉纖絲萬縷淅淅  
落疏林滑滑憚行旅彷彿江以南小春候如許六合今  
一家天意示和煦徒以疆域分淺哉夏蟲語

雪後過鄭州

昨來猶見雨斑斑那識飛糞積此閒雪滿寒原全沒路



霧籠遠市只疑山官郵百里分炎冷客子兼程又往還  
趙北燕南今日到孤城指點瓦橋關

趙北口殘雪

林端積玉尙封條冰下叉魚泛小舸想得西湖當此日  
孤篷聽雪段家橋

琉璃河

征車輾輾媿塵顏咫尺西峯未易攀一片玉裘成世界  
琉璃河上望房山

題查恂叔太守榕巢圖

太平賢守政多暇解西一池綠波瀉不須岸上更牽船

頗喜枝頭可築舍一榕婆娑數畝餘材不材閒天所赦  
直幹撐空風日遮橫枝臥水龍蛇化向背俯仰隨面勢  
侶與先生作閒架巢居之閣有前例嘉樹何嫌吾久假  
開徑祇須就樹杞安窗恰好尋葉罅一榻以外長物無  
十笏之居樂土偕水氣微茫只侶秋月光穿漏偏空夜  
判牘何曾公務妨覓句且將熱客謝身居瘴鄉貌夏腴  
日坐斯巢美無價只今卜宅傷春明尚戀前塵如味蔗  
乃知寄託苟不凡一枝居然勝廣廈不然打頭矮屋長  
欠伸樹猶如此徒悲吒天南榕樹多無隄此樹因公得  
名亾丁寧莫掃舊巢痕宅時好與甘棠亞

漫成

一水逡巡活羣山峭蒨親日長桃自銜春蚤柳橫陳蜂  
蝶忙何事絲蘿施有因喬松千百尺偃蹇不隨人

丙戌禮闈卽事用壁閒韻呈望山相國漫士少  
司農息川少宰及同分校諸公

南宮登俊鎖闈滾元老司衡赤舄臨燕許文名推藝苑  
韋平相業出儒林接驪眞喜珠光映射斗還愁劍氣沈  
話到寒窗檣古日風檐甘苦卅年心

廣座從容語笑潑聚奎堂上德星臨前身永叔元文伯

司農公名與歐公同當代宣公久翰林煙染松煤香細細光分藜

火夜沈沈冰壺表裏俱澈澈想見和衷一片心

勺水難分渤澥滢螢光散竝月華臨隨班幸躡僊人跡  
列坐眞游作者林刻燭已輪才捷敏剝蕉猶媿思澆沈  
穆如一誦清風句取士無非報 國心

斗室低吟一榻澁七年光景兩回臨

庚辰會試  
會預分校

飛鴻踏

雪重尋跡新筍逢春又出林所望宗工懸尺度只愁宿  
學易埋沈應眞十八東西列同證菩提不染心

題邵蔚田侍讀收繪圖

六鰲曾得手獨爾遽收繪此去江湖闊煙波自在身  
緣木人求欲信天吾所師得魚同一飽漫畫亦奚爲

一璜何足戀白首釣磻谿試看投竿者江鄉醉侶泥  
蛇足休重畫屠刀且善藏從今林下好見一榜新堂

題趙編修陽北耘菘圖

淺水淙淙雨後添讀書不礙灌園兼猩脣鹿尾都嘗徧  
那及秋菘分外甜

冬至後六日錢籜石少詹招同查儉堂太守紀  
心齋侍御程魚門舍人畢秋颿侍講曹竹虛編  
修小飲分韻得日字

三百有六旬赴壑蛇行疾吾儕耽文酒爲樂時勿失朝  
聞折簡招快若瘡太蚤隆冬相暖熱他會慕真率後至

不我拒密坐可促剗酒行蕉葉二客借竹林七捫腹方  
傻傻舉醞尙逸逸主人顧妣客言啟畫禪室橫斜萬玉  
圖煑石山農筆席閒出王元章萬玉圖長卷傳觀一一皆生動疑有暗  
香出華光與補之誰能漫甲乙忽憶香雪海玉梅萬株  
密此時踏雪尋清逸興無匹見彈思炙鴉欲語失笑唾  
近游天所許懷歸我已必銷寒判今宵友梅願異日

送趙雲松出守鎮安

詔守繇難郡官辭侍從班文雄能敵瘴政簡足安蠻臘  
月衝寒太長途叱馭艱天教詩境拓飽看粵西山

世方尊外吏君尙戀春明結習惟文字關情獨友生才

由夏事出心到瘴鄉清算獻籌邊議南交亦我氓

府南  
爲交

地交人奉職  
貢甚謹故云

謝文節橋亭卜卦硯歌

硯爲查榕巢  
太守所藏

是何一片石千秋磨不磷  
墨山先生遺手澤滿堂觀者  
神爲振當年變名入建陽  
朝天橋上亭中央明夷三日  
義不食卻以破硯當餼糧  
君平賣卜非吾匹北望中原  
長嗷咽眼中只有石丈人  
江南且無廝蒼卒集賢學士  
來求才手書卻聘心不回  
太息他銘刻左右重公并重  
此石友

硯之兩旁刻程文海銘云此石吾友也不食而  
堅語有之人心如石不如石堅誰侶當年采薇

不食守義賢也

凡三十二字首陽采薇計已成倉皇重作燕山行憫

忠寺中守義死不食而堅與硯侶公之北太硯南畱埋

漫泥沙百冊秋好事得之識歲月廢硯足抵周天球

硯背

有明人顯宋謝侍郎硯五字左方云明永樂丙申七月洪冰太橋亭易爲先生祠相地得之閩後學趙元榕

巢太守癖嗜古紫檀匣子滾藏弄斗室居然七客寮耐  
久石公堪共語歙州龍尾名夙間貞心不轉獨此君停  
尊欲酌忠臣酒炙硯慚無放膽文

### 病起

四十年猶壯經旬病獨侵害風增欬逆伏枕屢呻吟思  
澀詩魔退精銷藥債尋今朝差快意屋角聽鳴禽

五色徒盲目三餘欲息肩安心真是藥省事儻成僊昭



畧生來瘦元章近日顛山妻苦相勸第一且歸田

人日同王琴德朱竹均曹來應畢湘蘅陸健男  
登泐源寺後閣晚飲琴德寓齋同東坡廣陵會  
三同舍故事各以字爲韻予得曉字

人日例登高此風近來少西曹澹蕩人志欲出塵表約  
我試春游初哉首基肇泐源古寺近毘盧修閣宵一握  
太天裁千里極目了鈴語清而和鐘聲輕不窺上方洵  
嚴淨下界徒纏繞輝首適無事止酒毋乃矯同隊水中  
魚故交松上葛聊復恣談嘲不待引介侶騷人感初度  
是日予四歲月如過鳥念念煩惱縛泐鏡本常皎在家  
十生辰

蒲褐師

琴德好譚禪顯所  
居曰蒲褐山房

大意已先曉  
素山秋豪未究

竟誰大小

舟行偶占

十指拏篙邪許同  
腰牽百丈曲于弓  
篷窗兀兀低頭坐  
閒看來船使順風

浩歌擊楫滿天涯  
生長江鄉每自誇  
半夜疾風人不寐  
始知泊宅不如家

衛河

河曲如之字  
颿斜似扇形  
依依岸有柳  
猶賸數分青

臨清

城外雙流合波光玉帶彎風光舟侶箭水縮岸成山置  
牖裁通漕譏商舊設關北來稱鎖鑰煙火萬家環

阜河

出牖通沕口沿流下阜河颿隨風轉脚勝過水旋渦樹  
老殘黃葉沙明浴白鷺旅人聽最喜半夜有吳歌

宿遷

左挾中河右大河彈丸小邑地無多長風送客過淮浦  
輕舫沿流學楚歌畚土丁夫勤版築算緡關吏恣喧訶  
拊循彫劫良非易傳語當官政算苛

見道旁艸舍戲作

雪壓風掀雨又零  
編氓終歲苦伶俜  
誰知廣廈神僊客  
也縛黃茅作小亭

汜光湖

激湖萬頃鏡新磨  
撒網家家住碧波  
行到淮南勝淮北  
艸房漸少瓦房多

冬至京口阻淺

到家途漸近  
畱滯復連朝  
風逆濤頭縮  
天寒澤腹枵  
行傾京口酒  
坐俟海門潮  
不寐鯨魚目  
隆冬第一宵

偕蔣春農舍人游甘露寺

潤州城北三芙蓉  
谷人曾以神山況  
屹如北固居中央

震爲長男方主鬯老鶴昂藏首俯啄御顧金焦雙翼張  
甘露之寺當其巔傑閣凌虛誰咎瓶范范浩劫閱廢興  
刹竿千載猶無恙元豐鐵塔插紫霄正統金經闕龍藏  
修廊屈曲宛虹垂正殿巍峩滿月相六時梵唄長讚誦  
萬里江山他供養古鐘製從至正年巧思乃出平陽匠  
達魯花赤識姓名方信圖經語多妄大殿銅鐘元至正九年造鐘款有鎮  
江路達魯花赤馬速忽總管李世安鎮江上萬戶府達  
魯花赤永安名又有溫州路平陽縣匠人名鎮江府志  
職官表失載馬速忽名又誤以李世安爲達  
魯花赤不知世安漢人不得任達魯花赤也我筭窮江  
數往還接奇未到常悵悵天寒潮涸阻歸舟夙緣未了  
今空償舍人本是山中人導吾先路蠟屐納水枯遙指

巖壁露木落兼無榛蕨妨徑造禪關心地涼夏上岑樓  
眼界放哆口直欲吞滄溟摩頂居然俯羣嶂平生富貴  
吾不戀一餉清閒神所貺會須徧踏江南山竹杖從君  
次第訪

遣懷楸顛

悼亡妻  
王恭

泊宅秋來願少酬輕裘穩上潞河舟清輝玉臂今何在  
看月蓬窗獨自愁

布衣椎髻不曾嫌雅稱貧官上竹鮎懊惱疾風吹襲室  
從今擬廢五音占

挂壁丰姿宛似君返魂那有異香薰真成南旺湖頭水

行到中流卻兩分

鐵甕城邊風雪餘

京口阻  
淺兩日

三山秀色望何如  
魂歸到此

應畱戀四十年前說  
帆初

恭人生于  
丹徒學舍

江上青螺秀佗堆  
風流眉嬾事成灰  
將愁排遣終難了  
只佯潮頭去又回

生無枉橫亦無愆  
相見今生詎有緣  
倘遇蘇州趙十四  
結壇判倒一囊錢

伯通橋下水如鉅  
一管經過亦愴神  
廡下祇今誰舉案  
固應目我佗凡人

美酒新魚自製詞  
急流長怪退猶遲  
今朝果泛東吳棹

孤負懷歸管仲姬

管夫人漁父詞身在燕山近帝居歸

清閒總不如趙子昂顯云吳興郡夫人不學詩而能詩不學畫而能畫得于天者然也此漁父詞皆相勸以歸之意無貪榮苟進之心其與老妻強顏道雙鬢未全班何苦行吟澤畔不近長安者異矣

彈指匆匆歲又除安仁髻髮已全疏縱然下溟田居遂  
更有何人出荷鋤

八音歌效黃山谷

金屋貯阿嬌彈指朱顏彫石椁白云固長夜不復朝絲  
吐蠶已僵玉韞璞空剖竹林有達人閉關但頌酒匏樽  
引自酌醉入無何鄉土中皆可埋青烏誠荒唐革故鼎  
取新勞勞歲月促木散匠弗顧得全吾道足



金人背有銘戒哉三緘口石言晉魏榆反常乃爲咎絲  
惟飲無何籍不挂賊否竹直懇先伐水虛故善受苑繫  
人所全糶散天與壽土炭重有時榆枋起亦偶革華暫  
相於毛穎盟耐久木人石心兒仲御吾尙友

潛研堂詩集卷八

門人黃鍾校字

潛研堂詩集卷九

嘉定錢大昕

到家作

十年詞賦殿頭傳，一夜尊鱣夢裏緣。  
竊比奎章虞閣老，在朝應制又歸田。

虎邱追和清遠道士韻同陳葑耘作

春風吹我游閉門，真癡漢最近數虎邱。  
而無猛虎鼠平，平轉多奇小小頗堪玩。  
陳生今雲卿，有伴元結漫舟繫。  
青山橋人行，綠楊岸劍池水清淺。  
講臺石零亂，摩娑顯名字。  
錢穀已失半，俗生不好古。  
遺文日放散，安能呼蜉。

蟬與之語昏旦日高花坼房雨過禽刷翰撫景良可吟

學道遲自歎敗心普門品合掌人天贊

石觀音殿壁閒刻大乘妙法蓮

華經觀世音菩薩普門品一部下方列銜者自右僕射兼門下侍郎平章事會公亮而下凡九十餘人不署年月以宋史宰輔表公亮除授次第推之當在熙寧初矣

和陸魯望補沈恭子詩韻 有序

魯望補沈恭子詩不知恭子爲何人予以南史

證之蓋吳興沈初明也初明仕梁爲吳令陳文

帝時以明威將軍還鄉卒于吳中其荅張種書

極道虎邱之勝誠不愧風流詞翰之目矣所謂

清遠道士者或寓言如茂陵通天臺之比抑世

果有僊人千年不歿而遊戲人間者耶晉宋已  
降官未至台司又無五等之封而得謚者例稱

子

安期曾干楚柱下亦仕周誰云列僊人非卽爾我儔關  
洛一枰弈秦漢兩部優日月眼中過山水腳底游棲神  
遊八極鍊形藏九幽不知何時臘但覺天易秋適來與  
我遇勾吳有故邱竝坐千人石偶配劔池流彭塲孰爲  
天今管奚足愁翩然化鶴去肯他樊籠囚桃源津已問  
干寶記獨搜况兮成夢覺爾唱我且酬

第三泉

吳郡志唐張又新品第東南烹茶之水  
爲七等以虎邱石井爲第三松江爲第

虎邱泉第三又新品久傳阿誰屈次五後來強爭先

陸羽

品虎邱泉第五

人心有愛憎泉德無差殊夫惟不爭名是以長

不枯

### 游師子林

柏池松徑未全荒咫尺居然萬仞岡題詠最多名士句  
清幽爲近上人房繚而曲侶盤之谷阻且長非水一方  
畫手倪徐今不侔天畱真本在吳閭

### 鱖諸巷

俗說爲穿珠巷

炙魚抽劍決須臾曾爲吳王啟霸圖何事世人多愛富

卻將俠客作穿珠

虎邱觀玉蘭

虎邱玉蘭天下傳，坐臥其下日屢遷。  
游人莫漫輕頭品，曾閱游人六百年。

白于懸夏賦，子旂晴日烘。開澹澹香共信，潔清能自保。  
生來不上美人妝。

托根近在泐王居，萬朵含苞次第舒。  
欲祝人天長養力，更無風雨一旬餘。

同陳葑耘宿陸篠飲荷風竹露艸堂

江漲橋頭路，油雲濕四圍。  
偶同陳正字，來訪陸微艸。

閣邀山入蔬園得雨肥主人畱信宿翦燭話依依

同篠飲葑耘步至湖上泛舟登孤山放鶴亭

湖山與我有夙約際曉東風收雨腳清游造物詎我靳  
火急出門杖策各各兒蠟屐從所好陶令藍輿且先卻  
花光橋抵松毛場桑柘陰陰青繞郭一重一掩引入勝  
四山合沓疑張幕三年再到西子湖澹妝濃抹渾如昨  
榜人解事若相待一葉扁舟鏡中著沿緣挈音苻藻閒  
卻上孤亭望寥廓管人孤絕肯結廬特立雞羣意有托  
茂陵不艸封禪文齒冷乘軒衛公鶴有山可居品儂高  
欲買空言氣徒索興來且化十日游廉讓之閒坐不惡

上巳日游靈隱諸山

不負嬉春上巳期，氣晴天朗最相宜。  
菜花黃惜三分減，柳葉青兼萬縷垂。  
對酒常醒慳少債，愛山成癖未須治。  
鸞峯著意延生客，紫翠玲瓏特地奇。

飛來峯

岩堯鸞嶺認靈蹤，始信飛來第一峯。  
壞塔尙傳埋舍利，幽龕隨處肖眞容。  
洞穿巖腹皆通透，泉出雲根自激涼。  
結習未能忘好古，題名一一拭苔封。

湖上樵題

十里春風碧玉流，四圍曉霧翠眉浮。  
游人第一難忘處



明聖湖中水月樓

湖船精妙者名水月樓見戒庵漫筆

一片光明鏡裏身  
四時涼煥總宜人  
十分面目纔窺半  
前度濃秋今暮春

湖上寓樓

錢塘湖口寺門前  
黃篋三閒一榻便  
排闥山爲不速客  
傷檐柳亦有情緣  
清宐摩詰詩中畫  
窄比思光岸上船  
晴雨春光都領畧  
樓居眞足喚神僊

葛嶺

椎川澹蕩人偶爲  
餘杭游遂令斯嶺  
名與公俱千秋我  
來登絕頂江海生  
雙眸雲蒸僊巖石  
竹覆僧寺樓井湖

煉丹舊臺延初暎浮清泉流鳥下宛聽琴空侯蚤襄導  
養拙神僊非所求卻掃謝浮榮有許同調不何必訪勾  
漏此中可忘愁

葛嶺詠古

集芳園裏貯蛾眉燈火西湖此一奇六載襄陽圍不解  
相公卻有半閒時

公田搜括竟何堪幕上營巢計太憨風月無邊枉拋卻  
南行愁煞木棉庵

鳳凰山

天目飛來一鳳皇婆娑兩翼世錢塘木波太後遺蹤失

猶有人稱御教場

一王駟馬萬人誇腰鼓城堅靜不譁造物那知有舍貴  
卻驅怪石爲排衙

水樂洞

水石相撞擊善鳴假以鳴何必絲與竹太音無虧成

三生石

咄哉澤公癡三生證夙諾顛倒一念誤乃爲情所縛生  
歿且未忘何怪長墮落至人外形骸無相本無著

重游飛來峯登絕頂疊前韻

只疑偈仄少行蹤捫葛眞登最上峯石露巖頭何齒齒

雲生鳥下自容容夕陽倒射巖開塔夜雨平添澗底淙  
珍重飛來莫飛去天龍爲我一丸封

韜光庵用白樂天招韜光禪師韻

嶺上疑無路雲中別有家行過翠竹徑忽見金蓮花浩  
蕩登高興清幽學道芽啞羊真可哂不會趙州茶

神尼舍利塔

神光夜起般若寺阿師識兒風骨異五柱入頂鱗角生  
苦桃賊走兒墜地焦梨嚼索數欲終晚得天下文軌同  
此公詎止佗柱國佛法所佑非人功仁壽初元頒舍利  
各造浮圖石函瘞河朔清流解貢諛普爲諸州紀符瑞

妙善菩薩入涅槃觀地伐大漸放癩阿廢侍疾數無禮  
區區佞佛良可歎慈悲之教自天竺沈猜峻訟祗宜促  
可惜神尼付囑言不勸君王少誅戮恆河沙劫閱廢興  
斷塔猶以神尼稱人言佛光夜常見昭徹十方無盡燈

僧房偶題

公案重重落日窠上堂舉拂意如何九年面壁無言說  
失笑兒孫語錄多

打包參學辦行勝青豆房頭度牒增休說解吟僧亦俗  
爾來并少作詩僧

學士橋

背郭一灣春水活臨湖盡日遠峯描宅年倘卜杭州住

記占清波學士橋

橋在清波門外

寶成寺觀元人所鑿麻葛葛刺佛石像次葑耘

韻

世閒何人最慈悲調御丈夫號悉達若云慘毒可度世  
何異活人用野葛世尊皮肉捨勿吝普濟眾生如抹湯  
云何番僧化變相卻塑魔王喚菩薩祝釐漫說朵兒禪  
梵語或訛馬吃刺藥藥鬻骸懸首前吮血磨身澆生活  
有觀縮舌增怖恐銘認鬼母劫兒鉢我聞黑神起北方  
極貫護國寺碑摩訶葛刺神漢言大黑神也摩訶葛刺即麻葛葛刺譯音無定字 提兵南下助

式過當時君臣各膜拜受戒皈依意慟世涿鹿之北全

寧南

涿州全寧路俱有摩訶葛刺神祠

六時供養求解脫此像鑄從至

治年石不能言也塗抹供羊羊果害人不帝師義墜氣

已奪

輟耕錄今上初入戒壇見馬哈刺佛前供羊心上曰昔間用人心肝者有諸帝師答曰有之凡人萌歹心害人者事覺則以其心肝作供自上再問曰此羊會害人乎帝師無答輟耕錄所云今上謂庚申君也

寶石山次韻約耘

岩堯出城西卓立千花塔雷峯儼弟第鴈行不相棟曉  
迎曦光射暮受雲氣納盤石踞其顛呀如門半闔山高  
風自涼匪秋亦颯颯二分垂在外側足敢輕踏遙聞鐘  
磬聲隔嶺相應蒼天然好圖畫可惜付邨衲安得買山

資結茅安木榻澹沲高士湖一日繞一市傳聞寶正年  
制書可摹搨千搜竟何有前路碧蘚合

游吳山紫陽洞

城隅抱崇峯樓閣插天半支從龍山分秀奪蛾眉粲晨  
間折簡招濟勝得良伴小泊學士港同訪列僊館孤亭  
洵四宜平臺詫大觀紫陽頂最高丹磴陟匪憚湖山秀  
而文江海浩無岸分明在目前一一几上玩山腰尋古  
洞曲徑連復斷入險巖穿珠得路鳥攫翰飛來青芙蓉  
拳開紫絲幔豐下及頤垂窪中引手盪迷蹤注睨認異  
境咤舌歎僊翁笱棲真妙用在嬾散胡然怛化餘畱偈



湖石生言身 卷九  
八  
召舉案乃知情難忘夫豈吾輩但山中遺虬在俯仰人  
代換令威倘歸來安識舊里閑學道煮沙初駐景熟脾  
且對酒且放歌低昂任土炭

湖上對雨

疾雷殷殷陣雲烏對面山光一霎無  
牖口忽疑噴急雪  
波心無數撒明珠  
快思老杜翻盆句  
濃似襄陽潑墨圖  
獨坐小樓叫奇絕  
兩湖真箇勝晴湖

連日徧游湖上諸刹有懷古德各題一絕

虎跑寺

囊中

說得須行得何人悟宗旨多事兩於菟  
遠移南嶽水

法相寺 行修

修公古如來宴坐味禪悅參禮但默然永明大饒舌

聖果寺 文喜

前二後三三惘然昧多少文殊自文殊大意吾已了

靈隱寺 慧理

杖錫西天來呼猿明月上孤峯飛何之師言毋乃妄

鳳林寺 道林

棲禪依身窠安心架巖广可笑宰官身不知住處險

瑪瑙寺 智圓

杜門中庸子不識王欽若致意老慈雲一僧且畱卻

龍井寺

元淨

辨才住訥齋非辨亦非訥何處見全身唾霧卽明月

智果寺

道潛

苦空百念冷新句尙驚眾一酌參寥泉是身卽是夢

歸舟口占

輕波滑笏一颿開細雨留人濕綠苔多謝南高峯頂塔

五十

平聲

里外送懷回

題王麓臺蘇齋圖卽用卷中查初白先生韻

峨眉倦人太渺茫誰能抗手與頡頏遠哉尙友七百載  
有若米顛寶二王與古爲徒世大笑從吾所好生非狂

稽首拜遺像堂堂復堂堂儼然俛仰指讓于其有當年  
桃柳林中傲屋尙見逐祇今空齋供養弈弈巒眉光鏡  
潭月相磨繡谷花半掩地已占清涼心眞忘夷險薤臺  
翰墨奪化工咫尺萬里望不窮雪堂白鶴觀恍忽移此  
中天人游戲八極同飛鴻偶見指爪蹤不信桃花塲畔  
宅眼中突見長帽翁伊余生晚思遺風裴回小庭三徑  
通珊瑚網中畫卷亦無數清遠獨凌王婁東丁寧勿沈  
寒具手過眼雲煙夫豈偶紀聞它日傳中吳耕漁之軒  
名與俱

倪高士耕漁軒圖  
爲吳人徐達左作

銘心絕品世所無

題王石谷蘇齋圖

笠屐續唐古丈夫騎跡本遠欲相呼東坡號俗香山白  
繡谷齋顏玉局蘇春夢過來那有迹小園賦後未全蕪  
摩挲雙眼誇奇絕心折耕煙第二圖

題繡谷牡丹圖

康熙己卯蔣樹存先生邀諸名流于繡谷送春庭中牡丹初放

馬元馭扶藪楊晉子鶴徐玫采若及目存上人  
上睿各圖一花乾隆戊子十月先生孫應平出

圖相示爲  
賦二絕句

燕脂多買亦何爲一朵居然絕世姿好手寫生從古少  
徐黃難得在同時

藍尾三杯酒未乾斬新花蕊出豪端百年手澤能藏弄  
羞煞人家黑牡丹

家中牡丹

暮春二日到臨安頗愜尋春後牡丹那識故園遲半月  
天香猶是待人看

讀漢書

黃綺避秦漢采芝汗漫游不與豎儒伍而况辨士流吾  
寇幸無恙欲溺將奚由姓名落人間失計逢雷侯鴻鵠  
羽翼成徒爲娥姁謀假館建成所安呂非安劉區區具  
金幣毋乃溷公不

茂陵慕不歎意與僊人期豈知巫蠱禍乃自方士貽黃  
老尙清淨文景所以治變而譚神僊所見一何卑我欲

見鉅公罔上如嬰兒服藥可少病勿爲妖妄欺

在漢中葉後政柄歸尙書置相不選賢直取容默徒流  
汗婦參語僂背吏夾扶扶陽與防鄉醜藉稱通儒恩澤  
列徹侯促媢保位俱威福自臣他履霜慎厥初居攝頌  
功德後來奚足誅

厚味實膾毒高位易觸罪五鼎食幾時失意優菹醢不  
見葛繹侯刻印拜上宰涕泣不肯受自云從是始才果  
濟蒼生盜歿亦何悔淺哉曲學夫持祿不知止

文綱日以密士節日以貶造請公卿閒見笑徒自點剗  
席避田蚡長指無汲黯將軍有臨況治具吾敢儉乃公

戒牀下大要教兒調偉哉平林朱願請尚方劍  
持平三尺法人主與民共云何武健吏內滾次骨痛操  
下東濕薪一時重足恐殺人計自安古法置匣用天道  
有神朋好遷神所恫賢哉萬石姬斯言可警眾

贈張丈擔伯

詩翁老太髯毛疏風格依然正始初無事何妨浮白飲  
研思雅稱艸元居羊求舊侶凋殘後禽尙游蹤冷落餘  
魯殿靈光今獨在它時通德表門閭

王彙英家藏古錢歌

錢府上士受姓始我今逃債無從逃九章綴術亦曾學



不解子母營羊羔平生最嗜金石刻鐘鼎款識窮爬搔  
貨布樣品儲一二如捉蠃蛤遺鯤龜王生好古今都穆  
卜居恰近吳南濠十年藏弄有出示古色斑駁爛錦條  
湖初尊盧首佗幣三品後出泉布刀外國函方恣九府  
扣囊底智自六韜金刀契錯布么幼黃新代漢先塗高  
真人白水讖已驗造物終賦蛙聲蠶五銖之廢開通鑄  
椒房指爪痕滾半紀元各各吉金勒三司呈樣頒神皋  
所嗤僭僞盜正朔寸沔妄欲驕海濤世閒兒女尙厭勝  
吉語宛轉銘周遭幕文奇詭難輝述星官北斗下采旄  
雙魚三雀隱龜背蒼龍糾屈鸞翔翹或言撒帳取善頌

貴主蒼降夸富豪或云佩之辟五兵卻鬼可當度索桃  
願諧洪志人所讀變而不見空鬱陶多君聚之在掌提  
區別年代分牛毛臨川之愚和嶠癖同牀異夢嗤若曹  
阿堵中物如此良不惡傾身障簾誰警警孔方絕交吾  
已久畫餅奚勝咬白蒼白蒼艸食之不飢乞君拓文遠相贈瓊  
瑤欲報心切切

顯姚和伯射獵圖

寶馬苜蓿態甚都車中閉置晒非夫不看南部煙花記  
卻擬東丹射獵圖

詭遇休誇獲十禽參連白矢汰重尋由來射御無非學

見獵何妨儒者心

逐兔呼鷹一隊偕  
雨餘天闊淨于揩  
江鄉那有寬平地  
姑妄言之亦復佳

登馬鞍山

一峯縹緲小而奇

歸熙甫云吾崑之馬鞍山小而實奇

乘興登臨憶少時

彈指流光眞小劫  
拍肩名士又新知  
危崖大字鐫和仲  
荒艸孤墳認改之  
欲倩孔珪謂孔鶴瞻謝猿鶴獻嘲休  
謂北山移

題王未巖畫

并引

未巖修撰蚤爲蘆臺入室弟子筆法蒼勁髮巖

欲度驂騑前登第未久卽赴玉樓之名尺素流  
傳人爭寶之此本雖未完而架構已具一展閱  
閒如見經營慘澹之迹鶴谿主人善藏之勿爲  
人豪奪也

縑素風流數太原奉常墨妙啟兒孫麓臺已老耕煙外  
又見吾鄉畫狀元

浴堂西畔蚤修書紅杏詩才小宋如幾輩句臆矜第一  
評量能事要推渠

買畫金多膽太豨紛紛屢鼎散人閒匡廬眞面誰能識  
一幅糝糊未了山

崑山學宮石

洵美夫子堂卓立一品石氣蒸震澤濤秀分洞庭脈天  
公爲鐫劖雲根起巖積混沌竅鑿七空洞腹容百舞女  
大垂手飛禽小張翮劍客但蒨縵神人儼冠幘中豐肥  
勝瓠下銳枯疑脂豹文窺一斑螺髻露寸碧置之在東  
膠重于寶尺壁雨灑翠娟娟雲生青圍圍左股割蓬萊  
全身見姑射玉山連修眉婁江繚匹帛侶充雪堂供不  
費康樂屐吾儕雅好事來觀湖疇管謂言丈人峯來自  
平泉宅石本宋參政衛文節公家物夷亭潮初驗石浦居新闢扇障  
元規汚詩取白傳適奇石聚所好兼金買非惜九華列

几案二室落肘腋羅立如兒孫得意詫賓客茲石尤絕  
倫與公交莫逆雲煙過睨殊山邱回首隔高齋犁爲田  
曲池填成陌遂令皴瘦姿半遭屠沽尼歸然適有幸觀  
者爰無斃巍巍尊經閣肅肅函丈席諸生競摩挲異代  
發光澤介如君子操偉哉巨人迹宅山攻可藉一簣進  
求益洗宜泮池水蔭俗歲寒柏十鼓媿岐陽七壁陋張  
伯謙云一卷小冑以九鼎易卻憶畏壘亭曾載吳松栢  
雙峯比秦華百年挂蘿薜歸太僕安亭故宅有雙石其一亦衛文節物 邨童  
敲火頻牧牛礪肉亦席裏倘移來劔合眞喜劇盡取望  
徒奢得一心已懌奇傳到公名拜學米家癖清叔人可

重熙甫記良核頤詩論後來流連日將夕

頤西莊丈室散花圖

毗耶一室靜無朋  
十笏量來了不增  
爲有散花天女在  
此生判住在家僧

茂苑春光花白紅  
斬新一朶倚東風  
天然滿月天人相  
只恐劉元塑未工

雕籠百舌弄朱脣  
萬首唐詩記得真  
見說送郎新句好  
清才今又見陳玠

法門不二悟如何  
結習多生佛所訶  
何事靈山諸弟子  
一身容易著花多

淨名示疾原非疾  
噓蠟無心卻有心  
多事登肩老羅什  
不知吞卻幾回鍼

邵楸亭築小樓題曰梧巢  
作詩四首諸同人多有和章  
邀予繼和

百尺樓居倚碧梧  
目窮千里豁平蕪  
秋霜躡屐撥鴉舅  
春雨添棚護鼠姑  
境到閒時喧亦靜  
心從安後有仍無  
南華義諦都參透  
牛馬隨人儘意呼

便欲身攀棲鶴巢  
安牀恰對樹枝交  
購書只侶求聲鳥  
避俗真嫌在戶蝻  
魚亡戲餘蓮動葉  
燕方來候竹抽梢  
元亭問字尋常事  
門外從無熱客敲



惠子多方據槁梧維摩宴坐佗踟蹰木因號散能逃斧  
金爲求祥怕躍鑪立脚定來知地闊置身高處侶雲孤  
堯夫觀物書成後安樂窩中自得吾

果有楊修菜有巢主賓襟坐閒談嘲樓高雅稱登王粲  
詩苦偏宜學孟郊親友搏沙唾易散光陰炳燭算輕拋  
更呼傻了申初約不遣塵埃積滿坳

讀蜀檣杙畢得絕句八首

井底蛙聲妄自多鬼兵開國事如何武陽叢冢閒枯骨  
枉向風塵識八哥

樂府新聲試轉喉海棠花蕊想風流徐家姊妹皆傾國

玉貌偏輸趙解愁

玉簫歌徹月華新  
長夜觥籌集會真  
怪煞嘉王悲底事  
臨觴不飲太癡人

翊聖宮深入侍曾  
煙霄謫陟那能勝  
十臣各有安邦畧  
專寵無如剃髮僧

龍舟戲水碧淙淙  
花外樓臺見數重  
從此錦城真侶錦  
城頭張幕種芙蓉

長鞭萬里去何依  
餘慶新年願已違  
天水東遷向何處  
夢中神語出青衣

指揮如意擁貔貅  
漫擬隆中第一流  
卅載平章非伴會

它年降表要卿修

石經次第刻豐碑下筆羞爲輕艷詞莫道降王才思少  
官箴四語後人師

外舅王虛亭先生挽詩

華屋山邱瞥睨殊江鄉太息失潛夫  
伐檀詩格先雙井嘉祐文心啟二蘇  
身健幾曾扶卽粟心安偶喜坐團蒲  
十年八座郎君貴雜誦依然稷下儒

清羸碧鶴鈍無知一見偏將國士奇  
不獨譽兒兼譽壻只空稱舅又稱師  
三年寂算鰥魚泣七日倉皇梁木萎  
地下若逢靈昭女爲言蒜髮已如絲

潛研堂詩集卷九

門人黃鐘校字

潛研堂詩集卷十

嘉定錢大昕

京口阻風

恆河回首感波斯  
潘岳顛毛蚤就衰  
舟遇逆風多費力  
人來熟路懶題詩  
漸疏肉食身將落  
苦愛山行腳未疲  
問訊竹林知不遠  
天應畱我一撥奇

梅人謠

江上多顛風三日斷來去  
鄰船猶未開且算爭先渡

渡黃河四日入邳州境

水急沙滾兩岸彎  
經旬不見髻螺環  
推篷一笑真難得

目送邳州幾點山

昭陽湖

濛濛萬頃水雲風八月猶殘菡萏紅湖上人家無長物  
蕩舟齊出賣蓮蓬

一年強半是辛勤家具無多只一身菱角魚苗都賣卻  
晒將荷葉當炊薪

兩行老柳綠方酣百里遙山翠欲含只少紅樓兼畫舫  
風光約畧侶江南

謁先賢仲子祠

世已無堅白誰能免  
枝求升堂功自進  
浮海太何愁品

與顏曾亞賢子管晏流巖巖鄒嶧近  
廡食共千秋  
太息東周日虛生政事才未逢治賦  
使終致結纓哀君子窮如此強哉矯  
不回浩然留正氣魂魄想歸來

濟寧

鴻爪重來此地留清波依舊遠城流  
天邊又見初弦月  
泆上終誇第一州水引魯橋回玉帶  
碑傳漢隸揭鉤鈎  
尋常那敢輕顛句子美南池太白樓

杜文貞公祠

森木鳴蟬八月涼拾遺游跡未全荒  
中書落筆才眞壯  
賓客諸侯老更狂直欲許身追稷契  
何曾譚藝薄盧王

南池再拜瞻遺像宛到成都舊艸堂

南旺

四面皆成浸中流貫一河民居編葦易生計捕魚多打  
棗秋霜煮懸釜夜舫過尙書遺澤在廟貌儼巍峩

分水廟

十夫卯許舌脣乾挽索長嗟上水難不道順流元有日  
試從分水廟前看

輕颿如箭激漣淪下牖開頭捷有神好語來船莫相妬  
明朝各自順流人

衛河



順水拏篙捷乘風挂席便漸移雙隻埃默數往來船岸  
柳秋仍綠沙禽晚欲眠河流元自濁不礙月長圓

古詩

治生無良方要取纖嗇善不見東家翁起富百千貫幼  
小歷辛勤到老腳猶健兒孫漸積情蚤眠起常晚婚嫁  
選高門煩費不知阻產分食指多歲率恐無羨乃逸侮  
父母空使識者歎

新隴故鬼冢古屋今人居百年一小劫艸木夏榮枯當  
其快意時自詡智有餘錢刀身外物偶爲我之儲人滿  
天所槩封殖徒區區子孫已難保勿嗤它家愚

東家選入官西鄰試登科側間長老言祖父積善家一朝遽自大輿服相矜夸內史固貴人里門肯下車英特縱邁管行義恐不加世情見爛熟睡付一笑呵

伊尹世所師與人靳一介取之胡不然多多毋已太子母算無遺尺寸得始快忍斷友朋交不念骨肉愛疏傳歛幾何和嶠癡可怪老至耄將及益受孔子戒

楊邨道中

岸岸垂楊萬縷斜輕陰日午不飛沙只疑白浪如鉅湧十里秋風喬麥花

顯王雅宜借鉅券

文云立票人王履吉央女壽承作中借到袁與之白鉅五

十兩按月起利二分期至十二月一併納還不致有負恐後無憑書此爲證嘉靖七年四月日立票人王履吉押  
他中人文壽承押

艸堂賢待王錄事少米惠乞李大夫人以財今已罕稱貸保任古有諸詩人多窮乃往例四壁蕭然了無計  
雖空山色難療饑下策區區憑約契誰其俗者袁與之  
白銀五十無零奇萬息二千一歲率貨殖之傳寧吾欺  
年月日子紙尾壓歲暮責償應不乏生平恥食豪家鯖  
此來卻費山人押風流寸楮偶流傳筆法圓勁鍼裹縣  
好事嗟賞歸文與趙凡評估一字直十千楮先生客馬  
少游此帖爲吳中馬上舍紹基所藏馬生寓楮學士邸乞我佗詩述其由歲將

暮矣我亦愁有臺逃責招我不

顯沈東田觀察小像

調御元無相猶龍患有身信天心是易行樂氣常春山  
以靜斯壽梅因清益新當前生意滿落落寄吾眞  
靜裏日如年春來樂事優夢知蕉鹿幻戲任紙鳶牽曉  
撰青藤杖閒浮藥玉船行窩隨處有觀物悟先天

顯箕僊畫爲曹慕堂給諫作

列僊逃人間無爲得自在云何爲物役毋乃洩天縉前  
身筆墨緣結習了不悔促迫見能事淋漓絢異采胷中  
出邱壑意外藏傀儡遙山翠列眉絲花紅綻蕾武陵本

人世此景不我給黃門偶得之寶于珠百琲色相眞卽

幻達人視齊等

多改切

畫厨慎藏弄莫學狂顧愷

臘八日同曹習庵編修吳白華侍讀陸百山宗

人集趙寶君齋消寒小飲卽席口占索和

車輪嬾逐軟塵忙官意文情兩欲忘

隋書李孝貞傳官意文情一時盡矣

不速竟來容惡客無何且飲卽寬鄉舖糜大勝盤游飯  
啜酒兼呼般若湯招引吾儕相暖熱詫渠元叔未空囊

翼日諸公和詩未到屢前韻催之

聽鼓應官有底忙會依眞率約無忘身藏人海翻成隱  
酒遣愁魔別是鄉口公愛澹交淡侶水不知世味熱于湯

諸公才大皆詩伯好句先催出錦囊

同人約爲詩會遲而未果習庵疊前韻見示依  
其數答之

身閒心卻爲詩忙結習應嗤老未忘臘盡正空催歲課  
交親選侶在江鄉霜肥鐵腳堪成鮓冰凝黃芽好按湯  
便擬清譚消永日從來無底是書囊

黃山谷詩書囊  
無底譚未了

輕塵弱艸百年忙自凌垂名久不忘中酒幾曾妨學道  
著書何必待還鄉聯吟韓愈應招孟禩體江淹或擬湯  
我欲致師慚思涸匹如漣水壅沙囊

題寓齋壁疊前韻

墮戶窮冬了不忙異同堅白辯都忘身隨候鴈重爲客  
語類籠禽尙帶鄉故友漸稀星向曙安心已去雪消湯  
一家長物休嫌少羞澀猶存舊日囊

紫薇司諫校閒忙渴睡希夷一覺忘大自在能參佛地  
無何有可認吾鄉三冬粗足撐腸米甲夜先溫洗腳湯  
算計平生幾受用東坡居士腹如囊

再題寓壁仍疊前韻

四十餘年日月忙蚤衰容易事全忘推排自媿稱前輩  
諧謔偏欣道故鄉且住爲佳嗤望蜀徒勞無益莫揚湯  
如來慧眼看能破未必愚公讓智囊

丹黃塗乙勘書忙掩卷先愁過目忘賦別久枯江令筆  
說經欲到鄭公鄉古泉汲井憑修綬活火煎茶候沸湯  
杜左和錢均是癖休將傻腹做空囊

鼻端觀白怕心忙煩惱歡愉要兩忘形影互嘲皆妄相  
神僊可致有真鄉滑甘且試青精飯峻利休嘗白虎湯  
康濟一身吾已足千金財後檢方囊

一冬何事夢偏忙梅笛江南思不忘百里近游船當屋  
三農活計稻爲鄉澆花特地儲新水薙艸隨時利熱湯  
聞說林檎栽幾樹秋來結子定盈囊

得家書知後圃新  
栽林檎幾本林檎

俗呼  
花紅



東習庵

款門剝啄不辭忙坐久譚談主客忘甘井汲泉宜勿慕

習庵寓甘井衛衛

官園種菜只如鄉

予寓官菜園上街

校書君正然藜

火病齒吾方呷藥湯卅載光陰敲石過兒時記賭紫羅

囊

傳衣縛律枉多忙挂角羚羊迹要忘誰佞公才誇八斗  
眞看詩老出吾鄉蒸砂千劫終非飯薄酒三鍾卻勝湯  
攻短自來須苦口刀圭爲我啟行囊

曹劔亭刑部和韻見贈卽奉荅

餽歲人閒他意忙先生閉閣坐來忘兩篇觀物心中易

一枕游僊夢裏鄉，老手詩真如咬蔗。庸醫藥草試煎湯，  
熊羆譚笑居然卻。十笏清齋倚隱囊。

劍亭疾初愈

二十二日吳杉亭舍人招同褚鶴侶刑部蔣漁

邨編脩陳寶所給諫小飲壘前韻

行廚眞訝咄嗟忙，翦燭西窗話不忘。但願同心常聚首，  
何妨異縣更它鄉。吟堪度日頻敲鉢，熱不因人自造湯。  
門外飛沙寒刮面，欲從質庫檢衣囊。

峇巖跋堂和韻見贈之佗

黔南薊北馬蹏忙，踏雪飛鴻意未忘。暮節無聊惟索句，  
才人不遇例思鄉。談嘲願我真如朔，儻慕憐君畧侶湯。

一盞酌來相慰藉毛錐那得久藏囊

可怪詩成擊鉢忙把來過日不能忘半空真見華嚴閣  
六出爭奇戶牖鄉力厚侶斟缸面酒味甜欲噉菜羹湯  
求魚自笑先投蚓引出人閒罟百囊

己丑除夕疊前韻

九陌喧闐爆竹忙過年俗例未應忘北來幾月俄除夕  
南望停雲是故鄉繡襖疑兒能覓粟青裙小婦爲調湯  
屋租米券都償了歷歲錢猶足一囊

一夜偏兼兩歲忙春風如候幾曾忘癡欲不賣甘違眾  
慈儉能持欲化鄉促坐共圍爐炭火延齡預辦粉團湯

元日食粉團吾鄉謂之百歲團只愁才減年徒進食粟區區爲革囊

竈馬桃符遞換忙迎新推故了相忘艸元多暇官知冷  
泥飲相邀士有鄉習嬾漸如三起柳療貧終少十全湯  
祇應无譽仍无咎日玩羲爻六四囊

矻矻窮年爲甚忙文章報國意難忘遺經獨抱眞奇  
貨破硯重磨當狹鄉壯不如人思炳燭行求無悔怕搜  
湯開春欲到琉璃殿購取奇書滿一囊

次韻屢跋堂正月三日對雪

聞君逃禪學迦葉不作佛助驚蚊蝶苦吟瘦生生未擬  
險語偏人和韻疊我窮堅壁兵不接詩腸十日稍安貼

齋空恣喜爲妻妾苦行如僧少度牒今日何事手措曉  
示我新詩笑浮屠春三日雪盈尺決曰大有年紀瑤笈  
常甲如茶萬夫誓眞妃攜從畫出獵六合瀕洞一足涉  
大慈布施倒囊篋令嚴不聞人語喋詩人舌耕六籍篋  
失喜滿酌三升臘一身康濟陰陽變搖筆千言觀者憎  
句奇格變書之筆令我目眴心以愜彼盈我竭欲頽頽  
信手荅之倚牀楸技瘡不禁破械輒我詩可棄履中屣  
君才有用劔上鈇春風馬蹏行蹠蹠勿佗平原乞米帖  
跂堂和予詩兼訂春游賦此荅之

此身何侶舟一葉了識非周亦非蜨聊以詩酒自調攝

憶管下筆文采疊自言古人武可接少游風雨縱安貼  
不中退之作婢妾陋哉斷獄取陳牒盲人漫學離朱睫  
媯母強效西施厲少作可焚汗背浹君平僂骨注丹笈  
沈默艸元語不警暮作干詩當漁獵奇外出奇趣日涉  
白戰了不攜三篋我頃多言悔喋喋豆羹菜菘田父餽  
敢匹炮羔祠伏臘獻歲三陽和氣變蟄蟲始振响雉懼  
春雲如黛風如箠與子偕游我心愜一笑色動三豪頰  
酒一偏提果一楮醉翁飲少一醉輒有山且著謝公屐  
有車莫彈馮公鉞過隙白駒太蹀躞觴詠千秋傳楔帖

正月十九日同曹習庵編修張繡堂趙實君兩

上舍游白雲觀次習庵韻

重陽之教起關右一花七葉了無垢神僊宗伯出善門  
戊辰正月日十九全真心欲長交梨遺世財仍化枯槁  
千鎗焰向崑崙傳一滴源從甘井瀾馬譚劉郝漫齊名  
秦華居然俯陵阜兩朝徵召笑不應卻著杖屨雪山走  
老翁八十髮何求曷不杜門丹竈守至人有道先濟物  
忍令芸生歿速朽采芝黃綺解避秦區區獨善詎高手  
僊家那有不外方五利文成非吾偶

長春真人告元太祖云有衛生之道

無長生之藥

阿誰辨僞妄警警多事山僧想顏厚

釋解蓮化至元弄僞

錄誣毀全真

卽今都人傳譙邱了識長春道長久招邀朋舊

出城西後車不載偏提酒令威千歲幾曾歸不朽之名  
乃真壽白雲本住自無心能解世人煩惱否

寶刀行送龔梧生同年之官黔中

梧生藏一  
刀甚奇古

寶刀千金淬騰鶻丈夫出門萬里攜四夏月黑白虹出  
隄中貝玉真如泥三刀佐郡才小試百鍊平生成利器  
生苗買犢相勸耕循吏子今見龔遂

送胡牧亭侍御南還

矯矯神羊柱後冠曼容移疾遠辭官賣文價賤窮休送  
避債臺遙去尚難半世艸元耽寂寞十年薄宦耐酸寒  
鄉園舊侶應相待夢澤春風把釣竿



二月廿七日同慕堂給諫竹君學士伯思戶部

登陶然亭

瀟灑閒亭子登臨復不同  
人來春樹杪山落酒杯中  
艸細纔抽甲池枯不滿弓  
江鄉當此日桃杏已青紅

哭翟舍人均廉

予乙酉典試所得士

才望雄三浙文章博兩官  
瘦羊終澹泊小鳳亦清寒  
鵬自培風久鮎偏上竹  
難侏儒應笑爾長飽一囊餐

祿命妨文士精神憊苦吟  
空羅胃列宿終欠腹三壬  
管言腹無三壬不壽之驗  
自牖言如昨居盲病已深  
祝予何太急働

絕不成音

題侯官林氏所藏漢甘泉瓦拓本

貴賤世無常不見金與瓦尋常博者注棄之等土苴一  
枚傳自漢黃金千勿假古色敵敦彝篆法證蒼雅誰云  
搏埴工恐是造化冶古人一物微製佗不苟且曰長生  
無極云漢并天下款識避雷同吉語當祝嘏香泉強解  
事毋乃所見寡陳了文鞅長生未  
央爲甘泉別官名茂陵甲帳空銅僊淚  
盈把博物不逢張千年委山野文孫寶手澤勿替引來  
者瓦全神所護金籬我姑舍翻怕多財翁笑汝癖成痕

題吳香亭鴻臚古藤詩思圖

海王之邨近書市新  
城尙書曾卜廬  
藤花一木手所植

歲久翦敗惟枯株神明扶持終有力生意宛轉枝頭蘇  
好花應厭俗客對風流今又逢鴻臚追逐唐賢究三昧  
新詩解脫如花腴猶嫌三春花事太夏倩畫手紀以圖  
古槐修竹靜者居置身花下晨夕娛綠陰滿架清有餘  
封殖無忘前輩譽明年花開可痛飲折簡行復招吾徒  
比鄰夏呼程舍人謂魚門相於聯句窮朝脯此藤此屋清  
不孤佳話欲繼匏菴吳吏部官廨藤花

同曹慕堂給諫朱竹君學士陳伯思戶部史文  
量孝廉曹申之上舍爲西山之游出郊宿二老

莊和竹君韻

披春有伴靳從驂  
潑眼山光削碧簪  
心以地偏應夏遠  
味于交澹不求甘  
竹谿耽逸人仍六  
蕉葉澆愁我亦二  
城市漸遙巖谷近  
此中容得是清譚

張忠烈王輔墓

高冢佻禰連  
有可萬家聚  
蒼涼閱人代  
忠烈增跋墓  
百戰起將門  
二台贊政務  
偉哉定南交  
富良一葦渡  
縛僧如縛羊  
繫頸逮婦孺  
疆理二十年  
木壞中自盡  
空間捐之議  
益思鄭吉護  
可憐東西楊  
一著偶投誤  
事往那可追  
墓田了非故  
猶存翁仲立  
尙識夫人禰  
夫人吳氏  
劉氏附葬石  
刻敘宗支昭穆  
粲然具歐表  
例可循世系  
足推溯摩挲

恭靖碑忠烈子懋碑在其右數十步有碑題云特進先  
張公神道碑梁祿大夫左柱國太子太師追封寧陽王諡恭靖  
儲撰文李銚書

文字中矩度傳鈔病未能俛望斜陽裏

### 山行疊前韻

仄磴崎嶇不礙驂  
樵花瑣碎也宜簪  
雲來天外當頭合  
泉在山中徹底甘  
陟險直須化氣一  
避喧已侶伐毛三  
十年結想今纔到  
目擊端因勝百譚

歲月堂堂隙過驟  
清游樂喜益朋簪  
只除佛地境皆俗  
每到山行心欲甘  
驃騎名眞輸第五  
瞿曇義且叩前三  
捫蘿恐有遼金刻  
好摭遺聞入筆譚

### 戒壇

大眾同回向天神護此壇光明心不昧堅忍力須完  
艸梘宜斷傳薪火自鑽宣尼箴四勿吾道亦先難  
傳戒從知幻開山記泐均結壇遷侶答成佛定何人清  
磐諸天曉喬松太古春安心雖未竟三宿亦前因

和竹君戒壇讀遺泐均大師碑因弔學士王鼎  
三十韻

爲禮司空塔兼鈔學士碑殘編猶可讀遺行已難追博  
物雄燕涿通經習禮詩大寧蜚遞日上已祓除期下坐  
羣相誚揮豪信不羈識山嚙肉腮脫穎俗毛錐策射清  
涼殿名臚白玉墀奪標先獨占紀歲兩存疑

憲史道宗  
紀清寧八

年六月御清涼殿放進士王鼎等九十  
三人本傳則云清寧五年擢第與紀異  
初捧州僚檄

牽縣令絲才名空館閣祕典預論思汲黯言常慙宣公

政屢咨忤時官未進罵座醉偏癡騷客終遷謫清流被

撈笞孤寒經歲甚雨露一朝施果復鑿坡舊何曾鳳德

衰暴風驚忽舉臥榻正無敵忠直神惟佑詞章世所推

珠雖百琲失豹偶一斑遺幢署優婆塞寺有石幢二其一題云受戒弟

子優婆塞范陽王鼎製文銘徵壇王師簡栖文品貴法護筆蹤貽刻

倩王惟約求容釋裕窺焚椒書可匹礪畢妙難訾椎拓

應千本楫糊恐異時舊聞按墜逸正史證階資開國分

封渥丹文制誥知勳纔都尉轉賜許佩魚垂碑頭馬鞍山故崇祿

潛研堂詩集 卷十 古

大夫守司空傳菩薩戒壇主大師遺行碑銘并序朝議  
大夫乾文閣直學士知制誥充史館修撰騎都尉太原  
縣開國子食邑五百戶賜稽古榮非忝逃禪俗漫嗤元  
紫金魚袋王鼎撰并書  
言譚吼石密戒受毗尼佞佛何妨達匡君要有裨馬鞍  
峯頂望懷古且支頤

姚少師祠

灑灑泉流檻外分披緇入定戒香熏空登北郭詩人社  
難上西山老佛墳好殺共知和尚誤著書賴有故交焚  
依然病虎形容在曾否聲名直半文  
少師自贊畫像云  
這箇禿廝忒無仁  
間名垂千古  
不直半文

夜宿潭柘寺用石刻金僧重玉韻



泉清山瘦氣如秋，假榻精廬臥亦游。  
夜靜與居惟木石，心忙難伏侶龍虬。  
月篩叢竹搖空影，風入高松響急流。  
一室了無增減相，此身今欲號浮休。

妙巖公主拜甄

相傳妙巖爲世祖女，于史無據，恐是傳會之詞。元時宗女皆得

稱公主，不必帝女也。

管間元公主苦行，何精進。六時五體投一甄，雙趺印沁園。  
自言富視之如朝，薤沘輪得慧珠，凌河斷利刃單極。  
幹可絕受礪石，欲磷區區搏埴土，踏破存者僅至人。  
得魚忘凡夫，刻舟認饒舌。紫柏師寶爲山門，鎮匣藏尙宛。  
然會費宮錦，襯當時宗室女。下嫁魯趙親，公各冒貴主。

稱內朝鴈行觀詎必出辭禪齊諸勿盡信

僧房偶題

漸綠春來艸常青屋裏山門前無垢水不冝到人閒

潭柘寺

四圍山簇青蓮花蓮中之的汰喜家篋裏龍子自來水  
殿頭鴟吻猶含呀泉聲無盡波羅密樹影可怖鳩盤茶  
盧溝橋只一舍近行人不記恆河沙

三月廿二日同錢宮詹捧石紀太僕心齋朱學  
士竹君楮學士左峩曹給事慕堂馮刑部君弼  
入汰源寺觀海棠偶見秀院牆牖支貧方石有

異撤而視之則遼大安十年觀音菩薩地宮舍利石函記也心齋有詩紀其事卽次韻

長安春可游賞花到佛寺至德靈芝書景福南敘記妙跡屢摩挲響榻勸好事卓立尊勝幢石函列其次復有

党竹谿令史述建置

寺有遼薦福大師尊勝施羅尼幢記磁州司馬劉贊撰又石函四面

顯字天水蕭甫書金禮部令史顯名記大定戊戌八月党懷英撰皆俗人所未著錄予數年來先後訪得之

劫火了不焚人天護初地得隴復望蜀吾儕心已肆運

甃覆苔石果得義中字想見揮豪初淋漓墨瀉翠一萬

舍利藏卅二相好備檀那百千家合掌歎神異金錢巨

社輸宮商泐螺吹

皆用記中語

事往七百年誰識聰辨智

文記

燕京管內左右街都僧錄崇祿大夫檢校太師行鴻臚卿聽辨大師賜紫沙門善製所撰自大安十年甲戌至今六百七十七年矣昇來鎮僧寮鈔取入書笥紀年古多同舊聞

或誤識

劉同人帝京景物畧題作金大安十年攷金主永濟紀元大安止于二年此記乃遼道宗時所

刻非金刻結習文字閒淨名毋我議

琉璃廠窰戶掘土得古墓棺槨朽盡而骨泐殊

異視其誌石題云大遼故魏青崇祿大夫檢校

司空行太子左衛率府率兼御史大夫上柱國

隴西李公墓誌銘撰書人則不可攷矣督厥工

部郎中孟君滹令改埋于故兆東二十步并其

誌瘞之世遂無拓本李公之名不見于遼史因

撫誌文大畧作詩以遺攷古者

琉璃廠前工搏埴

昌志切

十夫畚土土委地捨畚漚瀕見

枯齒棺樵不具骨汰異其芴片石誰所誌大遼李公官  
闕備厥諱內貞吉美字漢前將軍出所自家於媯汭世  
有位舉唐秀才祕書試試主簿承清淨治大聖南牧六  
師肆向化請命隸下吏屬珊瑚帳下蕃漢騎甘萬精兵可  
敦置中丞提舉金魚賜左右僕射新寵被述蘭王燕南  
面寄授以押衙心膂倚戒得抱公輪忠義專城薊州寬  
惠莅都監錕冶廉直遂檢校司空三台致終于太子左  
衛率先媿殷氏三子嗣繼室以何有男二各各通顯周

行置保寧十年月夏季行年八十恆幹棄葬之京東石  
室闕黃腸僂房久摧毀白日忽照長夜寐歲閱八百際  
過駟富貴聲名竟何事改埋且免烏鴛臥猶勝溟溟堙  
名字吾生金石有奇嗜悵未擅椎入篋笥遺間可補隆  
禮志傳與好事紀原委

顯候官林氏陶舫視銘冊子

蕉葉青花甲乙分故交耐久夏能文想嫌結綠縣黎俗  
別署頭銜萬石君

鐵畫分明手自鐫名山藏弄耐千年怪宅歐趙投金石  
椎搗何曾到硯田

送江于九之官安慶

隆冬風雪冷僕夫將載馳送君路三千游宦皖水涓君  
才故磊落循良古爲師文章與政事能手兩兼之仕途  
如黃楊逢閏一寸虧別駕古通守職閒秩未卑衡陽君  
舊游手捫岫巖碑天柱亦南嶽山靈緣在茲振衣可一  
登荆揚儼列眉石壁剔落蘚恐有龍眠詞見彈太蚤計  
令我朵兩頤人生有幾別後會復何時君爲江海賦我  
媿錢起詩

游善果寺

白紙坊前青豆房當年賜額乞貂璫

明天順八年向勝  
監太監陶榮題詩

賜額禮部給劄

修廊搏換鬚眉古

東西廊塑五百羅漢明孝宗時內官監太

監姚訓

老幹支離檜柏涼豐碣未磨禮部劄荒原誰認

所造

故侯牆碑載寺四至東至官路西至歸依地南至慈仁牆北至太平侯牆

山桃一樹開

旋落瞥睨春光有底忙

泐源寺看花

丁香花落海棠殘  
火迫春風到牡丹  
冷笑山僧他底事  
栽花只博別人看

泐源寺觀牡丹因懷琴德

精藍地近一牛鳴  
每到花時幾度行  
天與色香於智慧  
人從開落悟虧成  
老僧底用譚優鉢  
長者眞須學淨名



蒲褐先生無恙否何緣共坐話無生

題黃星樞所藏漢崑山碑拓本

江夏過妣我袖中有西嶽六丁取不盡古色尙斑駁一  
飯先鍾梁三舍後斯邈森森劒鋒藏茗茗禾穎擢美女  
簪好花壯士橫長槩白象露齒牙蒼龍吐芒角掉尾魚  
戲波垂頭鶴俛啄依稀六百字字字玉在璞杜遷石已

碎郭香文未剝當年松譚閣

此碑舊藏宛委山人郭宗昌松譚閣後歸王山史嘯

月樓顧亭林所見即此本

微露手親濯侍史妙裘潢牙籤自追琢嘯

月古逸民顧榮共商推手書付官奴恐潤俗子濁

山史顯冊

尾戒其子非承我命不得令人輕爲題跋

歲久罕益珍性癖果而確風流今

猶咎嘲笑任蝴蝶院體行楷書我見輒欲設借君羅紋  
硯試一臨池學

題惠松厓徵君授經圖

漢儒說經重詁訓授受專門先後印三代遺文近可推  
大義微言條不紊後人鑿空誇心得一筆欲將鄭服擯  
虛譚名理訶玩物陳義甚高詞已遁我朝經術方昌  
明天遣耆儒破迷悶紅豆風流手澤貽三世大師清望  
峻正說常晞董仲舒識古共推劉子駿尤長義易沂九  
師輔嗣說行存亦僅郢書燕說一例芟墜簡逸象盡日  
括畫吞仲翔洵已足論持趙資兼有勿苦心孤詣識者

誰後有子雲或能信禮堂寫定不得傳令子趨庭萬人  
俊羣書暗誦才翩翩家汝相承語諄諄青紫拾芥何足  
云樸學千秋空自奮吾生亦有好奇癖問奇曾許搥衣  
進廿年聚散等浮漚宿艸青青老淚披展圖彷彿見平  
生苦井長智幾時濬黃門精熟繼長翁試聽宅年石渠  
論

爲袁春圃給事題苦瓜和尚餘杭看山圖

連蜷不了幾行樹辣闌無相千尺岑一洗人閒甜俗格  
丹青如見苦瓜心

題沈椒園前輩松亭讀易圖

先生晚好易章編百過讀兀坐古松亭清吹風設設凜  
然歲寒姿勁直凌凡木三百八十爻取象各有族白茅  
藉无咎枯楊華非福失據疾藜危得繫苞桑卜乘剛怕  
葛藟善柔嗤菟陸松耶何乃遺疑義費往復善易象可  
忘至理思爛熟科上槁奚爲堅多節所獨抱經究終始  
洗心以自淑行藏三十年回首一信宿漸鴻瞻羽儀賁  
趾脫輪腹道協敦且九名取安節六磊砢後彫心莫逆  
交不黷經師多上壽額手爲公祝

病目廿二韻

病目而月餘屏葷酒醖晝常恹窗明夜苦辨星院觀

火光忽岐迴風涕偏潯眩疑春麥芒淚流浙米瀾綠隴  
欲掩珠赤膏已侵販漫天佗謝絮平地起秦棧朱碧只  
一槩金沙算分揀看書春月翳佗字秋蛇縮視鳥眞如  
鳥寫弗卻類弗約僮宥傻了課兒昧瑟憊漸近杜欽旨  
空羨華元睥欲尋龍樹方安得金鏤刻平生耽文字藝  
林志飛穢分無蛾綠餐徒勞汗青篋多記精日銷玩物  
顏有赧天教息吾黥日使息其隄五蘊先斷色萬事難  
挂眼方圓河洛圖疏密麻沙板相對了不知付之一笑  
堯象罔傲離朱申徒薄于產戒慎所不睹斯道本至簡  
渾沌未鑿初今吾豈異撰

贈伊宛中孝廉 本蒙古伯都氏改隸滿洲古北口提督謚愨信布蘭泰公之孫  
之子名家彥風流數妙年譚經援義海披句出心田老  
馬途能識神錐穎最先中郎枕中祕欲待仲宣傳

鐙下作

一鐙熒熒光欸然散數點漸遠光益多百道飛電閃外  
環暈幾重著色閒濃澹殷紅日杲杲蔚藍波激激心知  
眼前障欲以一手拚五采要交射不絕始餒餒夜夢神  
告予妄相忒以漸算漫投刀圭鼠忌弄鉛槧幻影非有  
著眞精空自斂譬之泥在水水激泥不濂又如雲掩月  
雲過月不染復其見天心我圭本無玷

圓桌

曾記瑤臺聚八僊

方桌一名八僊桌

樽棧新樣阿誰傳  
翦燈眞

快團圓話讓坐無妨  
左右旋移到中庭  
天侶笠分將半  
面月初茲瓜廬與爾  
筌相稱誓變從今  
莫惡圓

暖炕

熾炭中央氣四通  
先生眞欲號冬烘  
未妨曆火仍安寢  
且耐薰心畧禦窮  
上座試安木居士  
炕邊以木爲之  
爰官新守  
土司空江南有客  
酸寒甚伏枕偏愁  
內熱攻

羅兩峯鬼趣圖

人言鬼可憎  
君獨觀其妙  
觸于目所遇  
審厥象惟肖  
巨

室可偃寢馳逐誰所召昏暗鎖自縛安得慧燈照六趣  
理本同執著互相笑奇詭到筆端伯間談出計書家艸  
聖難奠聖予云人言畫鬼爲戲筆是大不然此乃書家艸  
書冢之艸聖也豈有不善真書而佯艸書者苦心  
世算料瞰室非爾防一任梁閒嘯